

ACTA DA XUNTA DE GOBERNO LOCAL
Sesión do 28 de abril de 2015

ASISTENTES:

Membros :

D. Abel Caballero Álvarez
D. Carlos López Font
D^a. M^a Isaura Abelairas Rodríguez
D. José Manuel Fernández Pérez
D. Angel Rivas González
D. Santos Héctor Rodríguez Díaz

NON ASISTEN:

D^a M^a Jesús Lago Rey
D^a M^a Carmen Silva Rego
D^a. Olga Alonso Suárez
D. Cayetano Rodríguez Escudero

Invitados:

D. David Regades Fernández

Na Casa do Concello de Vigo, ás catorce horas e cinco minutos do día vinte e oito de abril de dous mil quince e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña, e a interventora xeral acctal., Sra. Hernández Vidal.

A Xunta de Goberno Local adopta os seguintes acordos:

1(504).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(505).- CLASIFICACIÓN DE OFERTAS E ADXUDICACIÓN DO PROCEDEMENTO NEGOCIADO SEN PUBLICIDADE PARA A CONTRATACIÓN DO SERVIZO DE CONSERVACIÓN E REPOSICIÓN DE PARQUES FORESTAIS. EXPTE. 8001/446.

Visto o informe de fiscalización do 27.04.15, dáse conta do informe-proposta da xefa do Servizo de Contratación, da mesma data, conformado polo xefe do Servizo de Montes, Parques e Xardíns e polo concelleiro delegado de Parques e Xardíns, que di o seguinte:

LEXISLACIÓN APLICABLE

- *Real Decreto Legislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSP).*

- Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP) no que no se opoña ó Real Decreto Lexislativo 3/2011.
- Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas (RLCAP), no que no se opoña ó Real Decreto Lexislativo 3/2011.
- Prego de cláusulas administrativas que rexerán o procedemento negociado sen publicidade para a contratación do servizo de conservación e reposición de parques forestais (PCAP).
- Prego de prescricións técnicas particulares que rexerán o procedemento negociado sen publicidade para a contratación do servizo de conservación e reposición de parques forestais (PPT).

ANTECEDENTES

Primeiro.- En sesión de 23 de abril de 2015 a Xunta de Goberno Local adoptou o seguinte acordo:

“ 1º Aprobar o gasto de 90.205,12 € euros para o mantemento e conservación de parques forestais 90.205,12 € (74.549,69 € e 15.655,43 de IVE) . O orzamento total imputarase a partida 1710-210.00.01

2º Aprobar o expediente de contratación por Procedemento Negociado sen Publicidade e Tramitación Urxente para o Mantemento e Conservación de Parques Forestais que contén o prego de prescricións técnicas particulares de data 14/04/2015 e o prego de cláusulas administrativas particulares de data 16/04/2015

3º Abrir o procedemento de licitación na forma legalmente prevista.”.

Segundo.- En data 23 de abril de 2015 o servizo de contratación cursou unha invitación para participar no citado procedemento á mercantil CESPA JARDINERIA, S.L., concedéndolle un prazo de 5 días para a presentación da correspondente oferta.

Terceiro.- En data 24 de abril de 2015 CESPA JARDINERIA, S.L, presentou a súa oferta, dentro do prazo concedido ó efecto.

Cuarto.- En data 24 de abril de 2015, reunidos na oficina de contratación o xefe do servizo de Montes Parques e Xardíns, D. Gilberto Moldes Gil, responsable do contrato, e a xefa do servizo de contratación, Dna. Beatriz Barbará Rodríguez, se procedeu a apertura da oferta presentada polo licitador invitado a participar. En primeiro lugar se cualificou a documentación administrativa. Segundo consta na acta da sesión Comprobados que a documentación achegada é conforme co esixido na cláusula 8 do Prego de cláusulas administrativas particulares (PCAP), se acorda admitir a CESPA JARDINERIA, S.L., no presente procedemento. A continuación se procede a apertura do “SOBRE B: PROPOSICIÓN ECONÓMICA”.

Quinto.- En data 24 de abril de 2015, o servizo de contratación comunicou ó licitador a admisión da súa oferta e iniciou a fase de negociación, concedéndolle un prazo de tres días para a reformulación da súa oferta ou a ratificación da mesma, segundo a cláusula 11ª do PCAP.

Sexto.- En data 27 de abril de 2015, CESPA JARDINERIA, S.L., se ratificou na oferta presentada.

FUNDAMENTOS XURÍDICOS

Primeiro.- Unha vez valoradas as ofertas presentadas nun procedemento de contratación conforme os criterios de adxudicación sinalados no prego de cláusulas administrativas

particulares (artigo 150 TRLCSP), o órgano de contratación clasificará, por orde decrecente, as proposicións presentadas e que non sexan declaradas desproporcionadas ou anormais conforme ó sinalado no artigo 152.

Segundo.- Clasificadas as ofertas por orden decrecente, o órgano de contratación requirirá ó licitador que presentou a oferta economicamente máis vantaxosa para que, dentro do prazo de dez días hábiles, a contar desde o seguinte a aquel en que recibise o requirimento, presente a documentación xustificativa de acharse ó corrente no cumprimento das súas obrigacións tributarias e coa Seguridade Social ou autorice ao órgano de contratación para obter de forma directa a acreditación, de dispoñer efectivamente dos medios que se comprometeu a dedicar ou adscribir á execución do contrato conforme e de constituír a garantía definitiva que sexa procedente.

No entanto, no presente caso non resulta preciso realizar este requirimento por canto o licitador xa presentou coa documentación persoal as certificacións acreditativas de acharse ó corrente das súas obrigas tributarias co Estado, coa CCAA de Galicia así como coa seguridade social. Consta tamén no expediente solicitude de que se manteña como garantía definitiva a prestada para garantir o cumprimento do contrato maior de mantemento para a conservación e reposición de parques forestais (expediente 4052-446), actualmente en vigor e que remata o día 30 de abril de 2015, o día previo a entrada en vigor do contrato obxecto da presente licitación. A administración municipal comprobou de oficio que non ten débedas coa facenda municipal.

Á vista destas circunstancias, procede realizar simultaneamente a clasificación e a adxudicación do presente contrato.

Terceiro.- O órgano de contratación ten a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase ós licitadores e, simultaneamente, publicarase no perfil de contratante (artigo 151.4 TRLCSP).

Con relación á motivación desta adxudicación nos remitimos á acta de apertura da contraoferta formulada por CESPA JARDINERIA, S.L., no presente procedemento, de data 27 de abril de 2015, na que manifesta que esta se axusta ós pregos que rexen a presente licitación.

Revisada a documentación presentada polo licitador, e comprobado que esta é correcta, procede adxudicar o presente contrato.

Cuarto.- A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación.

En mérito ó que antecede, se propón á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

“1º.- Clasificar, de acordo cos criterios de adxudicación sinalados no prego de cláusulas administrativas particulares, a proposición admitida no procedemento negociado sen publicidade para a contratación do servizo de conservación e reposición de parques forestais no seguinte orde decrecente:

1. CESPA JARDINERIA, S.L.

2º.- Adxudicar a CESPA JARDINERIA, S.L., o procedemento negociado sen publicidade para a contratación do servizo de conservación e reposición de parques forestais por un prezo de 88.205,12 euros IVE engadido, sendo a cota correspondente o IVE de 15.308,33 euros.

Todo ilo de acordo coa oferta presentada e os pregos de prescricións técnicas e de cláusulas administrativas particulares que rexen a presente licitación”.

Acordo

A Xunta de Goberno local aproba a proposta contida no precedente informe.

3(506).- PROPOSTA DE APROBACIÓN DO “PROXECTO DE EXECUCIÓN DE BEIRARRÚAS POLO TALLE DE VÍAS E OBRAS NO CAMIÑO DE RIOBOO”. EXPTE. 3234/440.

Visto o informe de fiscalización do 23.04.15, dáse conta do informe-proposta do xefe de Área de Fomento, do 21.04.15, conformado polo asesor xurídico e o concelleiro delegado, ambos da Área de Fomento, que di o seguinte:

I.- Antecedentes

Con data 16 de febreiro de 2015, o Concelleiro delegado da Área de Fomento por delegación da Xunta de Goberno Local de data 30 de xullo de 2014, adxudicou á Ingenia Proyectos Técnicos a redacción do proxecto de referencia.

A referida enxeñería entregou a este Concello o proxecto redactado por conta da mesma pola enxeñeira de Camiños, Canles e Portos María Ferreiro Núñez.

A empresa INGENIA PROYECTOS TÉCNICOS, presenta o proxecto de EXECUCIÓN DE BEIRARRÚAS NO CAMIÑO DE RIOBOO, redactado pola enxeñeira de Camiños, Canles e Portos María Ferreiro Núñez da empresa Ingenia Proyectos Técnicos, e dirixido polo técnico municipal do Concello de Vigo, Álvaro Crespo Casal, cun orzamento base de licitación máis IVE de SETENTA E SETE MIL CATROCENTOS SETENTA E SEIS CON CINCOENTA E CINCO (77.476,55 €).

O desglose do proxecto é o seguinte:

	EXECUCIÓN	PRESUPOSTO BASE LICITACIÓN
MAQUINARIA	6.884,64 €	9.913,19 €
MATERIAIS	24.055,56 €	34.637,60 €
MANO DE OBRA	7.324,99 €	10.547,25 €
XESTIÓN DE RESIDUOS	12.044,58 €	17.342,99 €
VARIOS	3.497,13 €	5.035,52 €
TOTAIS	53.806,90 €	77.476,55 €

Esta obra esta previsto que se execute directamente pola Administración a través dos recursos propios do Taller de Vías de acordo co estipulado no artigo 24.b do TRLCSP, xa que a realización desta obra coindindo co incremento de persoal destino a este servizo a través do programa de cooperación Xunta de Galicia – Concello de Vigo, denominado “Vigo-Emprega”, posibilitará a execución da mesma posibilitando unha importante celeridade nos prazos de execución. Así mesmo o propio Servizo do Taller de Vías e Obras dispón dos medios auxiliares propios para a execución da mesma.

En relación o desenvolvemento da obra prevista, e de acordo co cadro de distribución de custes da mesma, o taller de Vías e Obras procederá o desenvolvemento das seguintes actuacións cos recursos propios:

- A maquinaria será proporcionada polo Taller de Vías e Obras.*
- Os materiais necesarios e o persoal necesario para a execución será o destinado polo Taller de Vías e Obras o programa de cooperación Xunta de Galicia – Concello de Vigo, denominado “Vigo-Emprega”.*
- En relación a necesidade das actuacións derivadas do plan de xestión de residuos, se procederá a contratación dos servizos técnicos especializados de acordo co importe máximo definido no presente expediente para este gasto. Este gasto representa un 22,39 % do total do orzamento de execución.*

II.- FUNDAMENTOS XURÍDICOS:

1.- Normativa. Os contratos de obra, sempre que se celebren por unha Administración Pública, son contratos administrativos. Esta afirmación leva aparellada unha serie de consecuencias xurídicas: Se rexirán, en canto a súa preparación, adxudicación, efectos e extinción, polo Real Decreto Legislativo 3/2011, do 14 de novembro, polo que se aproba o texto refundido da Lei de Contratos do Sector Público (TRLCSP), o Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas (RLCAP) e o Real Decreto 817/2009, de 8 de maio, polo que desenvolve parcialmente a Lei 30/2007, de 30 de outubro, de Contratos do Sector Público; supletoriamente se aplicarán as restantes normas de dereito administrativo e, no seu defecto, as normas de dereito privado.

O Libro II do TRLCSP contén as normas sobre a Preparación dos contratos, cuxo Título I se refire á preparación dos contratos das Administracións Públicas. A Sección primeira do Capítulo II deste Título contén unha serie de preceptos dedicados expresamente ás Actuacións preparatorias do contrato de obras.

O primeiro destes preceptos está dedicado ao elemento básico do contrato de obras: o proxecto. A adxudicación dun contrato de obras requirirá a previa elaboración, supervisión, aprobación e replanteo do proxecto técnico das mesmas, que definirá con precisión o obxecto do contrato.

2.- Elaboración do proxecto. O proxecto pode ser elaborado directamente pola Administración ou ben é posible que esta contrate a súa realización externa mediante un contrato de servizos para posteriormente contratar a execución das obras. Cabe tamén unha terceira fórmula que consiste en que a Administración contrate cun empresario a realización conxunta do proxecto e a execución da obra, se ben esta posibilidade ten carácter excepcional e só pode aplicarse nos supostos taxativos previstos no artigo 124 TRLCSP.

O proxecto que se somete a aprobación foi redactado pola enxeñeira de Camiños, Canles e Portos María Ferreiro Núñez da empresa Ingenia Proyectos Técnicos.

En orden á elaboración dos proxectos, o artigo 123 do TRLCSP e artigos 126 a 132 do RXLCAP determinan o contido obrigatorio dos proxectos, así como a responsabilidade derivada da súa elaboración.

As accións que se levarán a cabo na rúa son basicamente as seguintes:

O proxecto pretende en liñas xerais, atender ás necesidades de dispor dunha beirarrúa para o tránsito peonil, para o que resulta necesario a disposición dunha tubaría para canalización das augas pluviais que actualmente se recollen en sumidoiros conectados á rede de fecais directamente. Así mesmo, instalárase a canalización de alumeado público.

A beirarrúa proxectada ten un ancho de 1,80 m no tramo inicial e de 1,50 m aproximadamente no resto da beirarrúa.

O tramo de actuación ten unha lonxitude aproximada de 235 m.

O proxecto se refire a unha obra completa susceptible de ser entregada ao uso xeral.

O prazo estimado para a execución das obras descritas é de TRES meses.

3.- Supervisión do proxecto. Unha vez elaborado o proxecto, debe ser supervisado. A supervisión do proxecto é un trámite administrativo previo a súa aprobación, obrigatorio para os de contía igual ou superior a 350.000 euros ou nos casos en que a obra afecte a súa estabilidade, seguridade ou estanquidade. Concretamente, a supervisión consiste na verificación de que se tiveron en conta as disposicións xerais de carácter legal ou regulamentario así como a normativa técnica que resulte aplicable.

Consta no expediente informe do Xefe da Área de Fomento de data 20 de abril de supervisión do proxecto.

4.- Fiscalización. O artigo 214 do Real Decreto Lexislativo 2/2004, de 5 de marzo, polo que se aproba o Texto refundido da Lei Reguladora das Facendas Locais, establece o ámbito de aplicación e modalidades da función interventora, entre elas, a intervención crítica o previa de todo acto, documento ou expediente susceptible de producir dereitos ou obrigas de contido económico ou movemento de fondos de valores e intervención e comprobación material das inversións.

Por isto o expediente debe ser remitido á Intervención Xeral por si, pola súa natureza, considérase previsto informalo previamente a sometelo a coñecemento e resolución da Xunta de Goberno Local.

5.- Aprobación do proxecto e órgano competente. De conformidade co sinalado no artigo 121 do TRLCSP, a aprobación do proxecto corresponderá ao órgano de contratación, salvo que tal competencia esté especificamente atribuída a outro órgano por unha norma xurídica. De acordo co apartado terceiro da disposición adicional segunda do TRLCSP, o órgano de contratación é a Xunta de Goberno Local.

6.- Replanteo do proxecto. Unha vez aprobado o proxecto e antes de que se inicie a tramitación do expediente de contratación, é preciso un novo trámite denominado replanteo do proxecto (artigo 126 do TRLCSP). Dita operación deberá documentarse, incorporándose despois o proxecto ao expediente de contratación.

Polo anteriormente exposto, PROPONSE á Xunta de Goberno Local a adopción do seguinte acordo PROPOSTA:

1.- Aprobar o proxecto redactado pola enxeñeira de Camiños, Canles e Portos María Ferreiro Núñez da empresa Ingenia Proyectos Técnicos para a EXECUCIÓN DE BEIRARRÚAS NO CAMIÑO DE RIOBOO, dirixido polo técnico municipal do Concello de Vigo, Álvaro Crespo Casal, cun orzamento base de licitación máis IVE de SETENTA E SETE MIL CATROCIENTOS SETENTA E SEIS CON CINCOENTA E CINCO (77.476,55 €), co seguinte desglose:

	EXECUCIÓN	PRESUPOSTO BASE LICITACIÓN
MAQUINARIA	6.884,64 €	9.913,19 €
MATERIAIS	24.055,56 €	34.637,60 €
MANO DE OBRA	7.324,99 €	10.547,25 €
XESTIÓN DE RESIDUOS	12.044,58 €	17.342,99 €
VARIOS	3.497,13 €	5.035,52 €
TOTAIS	53.806,90 €	77.476,55 €

e un prazo de execución de 3 meses.

2.- Aprobar a execución da obra EXECUCIÓN DE BEIRARRÚAS NO CAMIÑO DE RIOBOO directamente pola administración a través dos recursos propios do Servizo do Taller de Vías e Obras, para o cal se desenvolverán as seguintes actuacións:

- A maquinaria necesaria e descrita no proxecto será proporcionada polo Taller de Vías e Obras.
- Os materiais necesarios e descritos no proxecto, así como o persoal necesario para a execución da obra será o destinado polo Taller de Vías e Obras o programa de cooperación Xunta de Galicia – Concello de Vigo, denominado “Vigo-Emprega”.
- En relación a necesidade das actuacións derivadas do plan de xestión de residuos, se procederá a contratación dos servizos técnicos especializados de acordo co importe máximo definido no presente expediente para este gasto.

Acordo

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás catorce horas e dez minutos. Como secretaria dou fé.

me.

O ALCALDE

A CONCELLEIRA-SECRETARIA
DA XUNTA DE GOBERNO LOCAL,

Abel Caballero Álvarez.

M^a Isaura Abelairas Rodríguez